









# বিষ্ণুপ্রিয়া মণিপুরী ঠারর লেরিক সরকারী স্কুলে চলিল, কনাক সৌ এবাকা ঘরে থানা নাকরতার

হালিলত্বে উৎপল সিংহ : এবাকা ত্রিপুরার সৌ বিয়ান ফুয়ানির আগে যুমেতু উঠতারা। চালাক্কে হিনাদিয়া ফুতি পিনাদেনারকা কান্দন জুরতারা। খৌরাং-হন স্কুলে যানাবোকা স্কুলে অজালকীয়ে আমার ঠারর য়ারী দিতারা। অতারতারা আমার ঠারে।

বিষ্ণুপ্রিয়া মণিপুরীর ভাঙুর হপন আহান তেইপাং ইল। এ মারিতু ত্রিপুরার সরকারী স্কুলে চলিল বিষ্ণুপ্রিয়া মণিপুরী ঠারর লেরিক। কপ্তালা কনাক সৌ পালে পালে যানা অকরলা স্কুলে। ভারতর লালফামী বেইবুনির লালফামে বারো ত্রিপুরা বামফ্রন্ট সরকার বাহানা নুংশিয়ে এ ভাঙুর আশা এহান খুঁজিল।

গোলগা ২৩ মে ১৯৯৫ তারিখে সরকারী য়াথাং নং এফ ১৯ (৮-২৫) ডি আস ই/৮৮ (এল-১১) ৫১-৯১ মাত্তে ত্রিপুরার ২৯ গো প্রাইমারী স্কুলে বিষ্ণুপ্রিয়া

মণিপুরী ঠারর লেরিক ১৯৯৫-৯৬ বর্ষভেদে চলিল। আমার ঠারর লেরিক বাগাদেনারকা আমার মানু অজলকী সরকারে নিয়োগ করলো।

স্কুলে আমার ঠারর লেরিক, আমার ঠার চলানির পরেতু সৌ সুমরার স্কুলে যানার খৌরাঙ জবর বাড়িল। স্কুলে নাগিয়া এবাকা ঘরে থানা নাকরতারা। বিয়ানহান ইলেই লেংকা মারুপ ডাহিয়া পারেং পারেং ইয়া স্কুলে যিতরাগা। ইমাঠার পেয়া ইমার সৌর হারৌর সীমা নেই।

ইমারঠার স্কুলে চালুর দাবী এহান আনানির সালে ত্রিপুরার ইমাঠারর লালফামীরে বারো ত্রিপুরার মুখ্যমন্ত্রী দশরথ দেবরে বাংলাদেশর বিষ্ণুপ্রিয়া মণিপুরীর বিভিন্নসংগঠনেতৃ লালফামী থাকাত হারপুয়াসি।

## বার্তন বন্ধঃ ভানুবিলে হাবিরে জাতা বেললা

ভানুবিলর পৌ আলপা : ইতিহাসে নাংকাপা ভানুবিলে গাংহান এবাকা আপেকার অসারে নেই। সিলোপলগা হাবিতা। আজি তাঙি ঘরর কৌলিয়ে করত করত ইসি।

যে গাঙুর মানুয়ে আকজেট ইয়া ব্রিটিশর সিবেইরে জিঙে সিলে এ গাঙুর মানুয়ে এবাকা নিজর নিজরতাই সিরাদিরি, ধরাধরি দিতারা। সমাজে দলাদলি খাইলেঙে ভানুবিলে নেইছিল। এগা দলাদলিত তাঙি হাবিরে জাতা বেল্লা। আগেরে আগয় বার্তন দেনা নেই। এ লালফাম এহান বেইবুনিয়ে বেইবুনি, হেয়েকে মিলকে, জেলায় মুনিয়ে মাধরি দেনারহান থিনা অনারহান।

লালফাম এহান চলেরতা দল দুহানর মাথো লে দ্বিহানির নেতা হান বেইবুনি মান ইলেঙে আউপা নেতা বান্দি নী, বামন দ্বিগি ইলাতাই মনোশর্মা পৌ নীলকমল শর্মা। ১৫০ গরর ভাঙে ৪০ গো গর আগদে বারো ১ গো গর আরাক আগদে। ১ গো গর নেতাগো মনোশর্মা বারো গোর নেতাগো নীলকমল শর্মা

কিতাতু এ লালফাম এ ধারহান ফাতইল এহান হার, গেলোগা মাতলা গোপাল-মাষ্টার, মালকর সরাতেতু মেরিক নুরুলিয়া এরে জ্বি এগো লাগিলতা। ১১০ গোর দল অহাত ভানুবিলর হবা হবা ইশালা ডাকুলা অতা নেই হানতে কর্মজর্মত থানি হিনপিতারা। ৪০

গোর দল এহান নুঙেই ইয়া চলতারা। তাঙুর দলে ইশালা ডাকুলা রপিছি।

ভানুবিলর দলাদলি এহান ধরাধরি দেনার মাতিয়া ইয়া য়ারগা। মনোশর্মা বারো তার দলর কথাহান আমার কথা, নীতি, একরানিয়েই লাগতই নাকরিয়া বারেরে বারমনো কোন পূজা পার্বন বারো কর্ম জর্ম কুলানি মুয়ারতাই। ৪০ গো এতাই মনোশর্মার কীর্তন মাপুর নীতি এহান নাকরিয়া আরাক নীতি আহাননো চলানির কথা মাতলে এইগায় তাঙুরে জজানি বেল্লা। দৌর, সমাজর কর্ম জর্ম বন্ধ অনা ধকনেই বুলিয়া বেকর নীলকমল শর্মায় তাঙুরে জজানি অকরলো। ভানুবিলর কালী মোহনর ঘর সাংকা করাতে সোনাকমল এইগা গেলে গা হো দলর অহরতায় বারো মনো শর্মা মালকে কিতায় লাঠি জাঠা, দানো আহিয়া ভর দেহাদিয়াছি। সোনাকমলরে মালকে মরলে কার্যত না হমানির কথা মাতিয়া গিয়াছে ঔপদি।

যেতাউ অক ভানু বিলর আজিকালি একর এ দলাদলির লালফাম ভানুবিলর বারো সমাজরকা কোন হবার পৌ আহান নাবে। এহানর সমাধানর পথ ভানুবিলর গাঙুর শিক্ষিত লৌশিংপা, জ্ঞানী কতোগো মানুয়েই বিছারানি লাগতই। গাঙু আহাত বেই বুলিয়া হুইবুনিয়ে কুলি বাধানি হেইমাকর ই পারা। এতা করিয়া সুনাম নেই। ইত বেললে হবা নাইবোথাং।

### শিংলুপর সদস্য গুনে নেই

ইথাকর পৌ : বিষ্ণুপ্রিয়া মণিপুরী সাহিত্য শিংলুপর সদস্য, গুণে রাণী সিংহ গোলগা বৈশাখর ১২ তারিখে একাদশীর দিনে দৌ ফামে গেলিগা। গুণের জরম ১৩৭৭ বাঙার বৈশাখর ৭ তারিখে। গুণে পঞ্চম শ্রেণিতে বৃত্তি পেয়া ১৯৯৩ সালে মেট্রিক পাশ করিয়া কমলগঞ্জ কলেজে ভর্তি ইসিলি। নুয়ারায় পেয়া বছর আহা হুয়া ফামে থানির পরে দৌর খয়া পেইলো। গুণে দৌ অন্য বিষ্ণুপ্রিয়া মণিপুরী সাহিত্য শিংলুপ বারো ইথাক পত্রিকার বারাদেও গিথানকে সর্পতি পাংকা বুলিয়া দৌ নিকরলা।

### ষড়যন্ত্রের বুড়া

গিরক ভীমসেন বারো মিলক করবী কাকতী সিংহয় কালর কথা পত্রিকাত সমাজর যেকনাপারে আমনি কার্পদিয়া লেখানিয়ে গোলগা কতোদিন আগে ৪৮ বর্ষক ধরিয়া টেলিফোনে মারানির ভর দেহাসি। সাহসী এ সমাজসেবাবারী দ্বিগিরে মারানির হুমকি দেনায় ভারত বারো বাংলাদেশর বিষ্ণুপ্রিয়া মণিপুরী সমাজে জবর নিপা জানেইলা।



ইথাক ডেক্স

পয়লা আমার মানু রেডিও শিল্পীগো কার্তিক সিংহ। গাংহান মাছিমপুর জন্ম ১৯২০ সালে। দৌ অইল ১৯৯০ ইংরেজীর চৈত্র মাহাত। তাঁর পুতক তিন গোরমা খুলা পিতক স্বপন বাপকর সাদে রেডিও বাংলাদেশ সিলেট কেন্দ্রত এলাদের।

## ক বি তা

### সালোদে গিরক

নিরঞ্জন দেব  
সালোদে সালোদে গিরক সালোদে তোর কামে। মনির বপাক পড়িয়া খাইল হতার মলপাকর ফামে। ময়নার বাপক খাঞ্জা হিচের দিগালী পাথারী চেয়া মাছগো ধরের হরকাঙ উতা ডাঙর উতা থয়া। বলেইগো নেই ককগোত থর ওসুহানেত বাগা পেনি। সতহান বাগা, বেতহাস ছিড়ের বাধগোদে চুহের পানি খাঞ্জা হিজতে দিনহান য়ারগা ঘরর চিন্তা নেই। তার উদাসে তিমেই, নাইস মানুয়ে মাত-তাই হেই।

### জীবন

#### সুকুমার সিংহ বিমল

দ্বিতীরে বেলিয়া, ভবিষ্যতের চেয়া বর্তমানহনরে কামরীপো করিয়া, সসার মহাসাগরে জীবন নৌগো বাহিয়া য়ারগা তার আপন য়োলে। ঠেঙেরা পরা চেট অকিগো দেখলেই জীবনর আশা হাবি সুর্দিয়া য়ারগা। পালে অনুকূল বৌ লাগলেই, আবার-নুয়া করে আশার মিষ্টল দেখিয়ার

এসাদে করিয়া আশা আর নিরাশার বিবু বেরাং কুকগোদে, জীবনর

নৌকাগো চরের তার নিজর গতিতে। তারই ফাঁকে কতো আফিক গতি, বার্বিক গতি অয়া য়ারগা বেখেয়ালে। জীবন-কারো কাজেই থামিয়া নাথায়।

১৫৩তম রাসলীলাত পুলদেছি ভক্তরে আমার সাজারাং হমা-

**স্মাগয় গাহ্বেণী**

প্রোঃ নিখিল মনি সিংহ

আদমপুর বাজার, কমলগঞ্জ।

.....

স্কুল কলেজর লেরিক, খাতা, কলম, ম্যাগাজিন, ভিডিও ক্যাসেট বারো টেশনারী মাল অংকরে এহাত পেইতাঙই।

আমরাং কিতা আছে না মাতরাং। কিতা নেই মাতিক। ভানুগাছে যেতা আছে আমারঙউ অতা আছে! দামহানৌ আকহান।

**লক্ষী ষ্টোর**

প্রোঃ লক্ষী নারায়ণ সিংহ

শিববাজার, মাধবপুর, কমলগঞ্জ।

১৫৩তম রাসলীলাত পুলদেছি ভক্তরে আমার সাজারাং হমা- আমার পৌ-র চে আকহান

**ইথাক**

আমি নিরপেক্ষ নাগই। হানতে কার পক্ষে পাকরিয়া হারগেইক। হবা পেইলে থাকাত, পরামর্শ দিয়া চিঠি ইকরিক। পাংলাক করিক। সমাজেতু দূর করিক কুসংস্কার। কালকরিক আমার ইমাঠাররে। কাকেই কারিক আহো আকসাদে। জিংতা করিক পত্রিকাহানরে।

হবা নাপেইলে- পরখেয়া চিঠি ইকরিক। আমি দ্বিয আতলো গুকারতাঙাই।

উপদেষ্টামন্ডলী ☆ গিরচালকমন্ডলী ☆ সম্পাদক

**ইথাক**

শাতকরানিত : বিষ্ণুপ্রিয়া মণিপুরী সাহিত্য শিংলুপ ডালুয়া, পোঃ আদমপুর- ৩২২২, কমলগঞ্জ, মৌলভীবাজার।

**‘বাল্য বিবাহ’ ও ‘রেজিষ্ট্রি ছাড়া বিবাহ’র বিরুদ্ধে সমাধান-এর উদ্যোগ**

পরিবেশ, সমাজ উন্নয়ন ও শিশু অধিকার বিষয়ক বেসরকারি প্রতিষ্ঠান-সমাধান ‘বাল্য বিবাহ’ ও ‘রেজিষ্ট্রি (কাবিন) ছাড়া বিবাহ’র বিরুদ্ধে গণসচেতনতা সৃষ্টির ব্যাপারে কতিপয় উদ্যোগ গ্রহণ করেছে। দেশের সচেতন প্রত্যেক নাগরিকের এ উদ্যোগের সাথে একাত্মতা গোষণ করা উচিত বলে ‘সমাধান’ মনে করে।

দেশের প্রচলিত আইনানুযায়ী ১৮ বছরের কম বয়সের মেয়ে এবং ২১ বছরের কম বয়সের ছেলেকে বিয়ে দেয়া এবং রেজিষ্ট্রি (কাবিন) ছাড়া বিবাহ সম্পন্ন করা আইনতঃ দণ্ডনীয় অপরাধ। এই অপরাধের বিরুদ্ধে সোচ্চার হোন। আমরা আপনার পাশে আছি। এ বিষয় বে কোনো আইনগত সহায়তার জন্যে যোগাযোগ করুনঃ

সমাধান, ৫ ওভারসীজ সেন্টার, জিন্দাবাজার, সিলেট, পোস্ট বক্স-২০ সিলেট-৩১০০। ফোন : ৩১১০, ২০৯২।

**আপনার শিশুকে টিকা দিন**



লেইপাক্পা :: ২০ কার্তিক :: ১৪০২ বাংলা :: মঙ্গলবার :: ৭ নভেম্বর :: ১৯৯৫ ইংরেজী :: ৪ পৃষ্ঠা পাংলাক ৫ হান তাংখা

## ইসকন বিশ্বব্যাপী হরেকৃষ্ণ নাম প্রচার

### আমেরিকার প্রেসিডেন্টের খৌরাঙে

## ২৮ লাখ পত্রিকা ছাপিতারা

হরেকৃষ্ণ সমাচার : আমেরিকার ফটকে আসি আসামীরক আন্তর্জাতিক কৃষ্ণ ভাবনামূর্ত সংঘ (ইসকন) হাওয়ায় পত্রিকা আহান শতকরানি অকরলা। আমেরিকার প্রেসিডেন্ট বিল ক্লিনটন বারো পেনটাগনর খৌরাঙে পত্রিকা এহান শতকরাতারা। পত্রিকা এহানর নাঙহান 'দ্যা ইস্টার প্রিজন্স ভক্ত নিউজ লেটার'। হাওয়ানেহে

### সমাজ সেবারী সূর্যকান্ত

## দৌ-অনার পিছে ----

নগরর পৌআলপা : বাংলাদেশ মণিপুরী যুবকল্যাণ সমিতি তিলকপুর শাহার বারো তিলকপুর সবারুণ সংঘর সভাপতি বারো তিলকপুর মহিলা জগরণ সমিতির পরিচালক, সমাজসেবারী সূর্যকান্ত সিংহ গেলগা ১৮ই মার্চ ৯৫ তারিখে দৌর ফামেগেলগা।

গিরক দৌ অনায়, বাংলাদেশ মণিপুরী যুবকল্যাণ সমিতি বারো সমাজর আরো আর সংগঠনর বারাদেতু গিরককা প্রার্থনা জানেইলা। সূর্য দৌ অনার পিছে এবাকা পেয়া মানুর থতায় থতায় হনরায় গিরকে দৌ না উরপাসে। ক্ষেতির কাম করাত গিয়া দুর্গায় ধরিশে। অহান অকালে দৌ ইলতা। কতোতায় কথা এতা বিশ্বাস করলেউ সমাজর সচেতন মানুষে এহান বিশ্বাস না করতারা। মানুর এহে কথা এতা আঙ্গনেতা বুলিয়া সচেতন মানুষে মাতলা।

## চন্দনর উপগো প্রমোশন

### পেইলো

#### ★ গৌরহরি চাটাজী ★

আদ্যেকর চাল-চলন, রীতি-নীতি, এবাকর রীতি-নীতির পাত্মমে জ্বর খেনো অসে। ঔ যুগর মানু এ যুগর মানুর লগে কোগদে পাত্মম নাহ। লোহাঙে কখনগরতা আর জিনিস নাচলেউ চন্দনর উপগুতে নাড়িয়া নার। এবাকা বারো ঔ চন্দনর উপু অগো দিলে নার। এবাকা চন্দনর উপু অগো

### ইথাকর রিপোর্ট

#### অধ্যাপক রনজিতর চিঠি

শিক্ষিত ইয়া প্রমোশন পেয়া ড্রেসিং টেকনিকগো বুলতার অগোত অলো পরিগ্ণা। মোর আসল পায়গো বেলেয়া অবাক পথ আগোদে সালপরেহগা। পয়লা লেরিক তামকরানির পথ এগুলো বিচার করিয়া চেইক। আগে লেরিক তামকরলাতা ওরুগহে। এবাকা তামকরলাতাতা সুলে। ওরুগহে শিক্ষালাভ করিয়া শিক্ষাকর, দীক্ষাকর, মাতাকর, পিতাকর-ওরুগহে হাবিরে স্থান, কাল, পাততেদে, শ্রদ্ধা-ভক্তি, সেবা, পূজা করিশি। আগো লেরিক তামকরহেঁতা, জ্ঞানার্জনকর। জ্ঞানী, পণ্ডিত, শাস্ত্রজ্ঞ অয়া ভগবৎ দর্শনপানা মুখ্যহান নিংকরেহি। কিন্তুমান এবাকা জ্ঞানার্জনকর বিদ্যালাত অথাইলেউ ধর্মানর্জন মুখ্য। জ্ঞানার্জন ওহান ধর্মানর্জনে অলোপরানিয়ে গাংগরর ছৌ ১ ভাগ যরহে, ৩ ভাগ টাক্স কামানিরক দেশ বিদেশে খর বেলেয়া আহিগা। ওঁবো আহাদে বর্তমান ব্রাহ্মণর উঠে আহিতারা সৌরে ঘর বেলেয়া দেশ-বিদেশে রূপা-পয়সা তালকরাত নিলেগা। এবাকা যেসাদে লেরিক তামকরা নির হোংগ ছুটেহে আরাক কতবহুর পিছেদেতে ব্রাহ্মণর সো আকপেট ঘরে নাথাইবা সাং। বাপক, মানক, বুড়াবুড়ী ওঁতাই হরকং কর্মজর্ম অইলে কোনরকম চালেই তারা। ভঙর কর্ম অইলেও কোন কোঞ্জেলে আগো-দুগো ব্রাহ্মণ শিক্ষা-দীক্ষার সুযোগ না পেয়া কোন কাদাত পরিয়া আসি অন্তরে নেক করিয়া কাম চালেই তারা। কয়দিন নেককরা বামন পেইতাইতা? দিন দিন মানুর সংখ্যা নিয়াম অয়ামাংগা। এগাদে ব্রাহ্মণ কমে থিতারাগা। কিসাদে করলে উভয়পক্ষের চালানির সুবিধা অইবোতা? কলের খেঁতামে চলানির নুয়া পথ অহান ফাংকরলে কিহান কিতা অইবোতা?

শিক্ষিত ইয়া প্রমোশন পেয়া ড্রেসিং টেকনিকগো বুলতার অগোত অলো পরিগ্ণা। মোর আসল পায়গো বেলেয়া অবাক পথ আগোদে সালপরেহগা। পয়লা লেরিক তামকরানির পথ এগুলো বিচার করিয়া চেইক। আগে লেরিক তামকরলাতা ওরুগহে। এবাকা তামকরলাতাতা সুলে। ওরুগহে শিক্ষালাভ করিয়া শিক্ষাকর, দীক্ষাকর, মাতাকর, পিতাকর-ওরুগহে হাবিরে স্থান, কাল, পাততেদে, শ্রদ্ধা-ভক্তি, সেবা, পূজা করিশি। আগো লেরিক তামকরহেঁতা, জ্ঞানার্জনকর। জ্ঞানী, পণ্ডিত, শাস্ত্রজ্ঞ অয়া ভগবৎ দর্শনপানা মুখ্যহান নিংকরেহি। কিন্তুমান এবাকা জ্ঞানার্জনকর বিদ্যালাত অথাইলেউ ধর্মানর্জন মুখ্য। জ্ঞানার্জন ওহান ধর্মানর্জনে অলোপরানিয়ে গাংগরর ছৌ ১ ভাগ যরহে, ৩ ভাগ টাক্স কামানিরক দেশ বিদেশে খর বেলেয়া আহিগা। ওঁবো আহাদে বর্তমান ব্রাহ্মণর উঠে আহিতারা সৌরে ঘর বেলেয়া দেশ-বিদেশে রূপা-পয়সা তালকরাত নিলেগা। এবাকা যেসাদে লেরিক তামকরা নির হোংগ ছুটেহে আরাক কতবহুর পিছেদেতে ব্রাহ্মণর সো আকপেট ঘরে নাথাইবা সাং। বাপক, মানক, বুড়াবুড়ী ওঁতাই হরকং কর্মজর্ম অইলে কোনরকম চালেই তারা। ভঙর কর্ম অইলেও কোন কোঞ্জেলে আগো-দুগো ব্রাহ্মণ শিক্ষা-দীক্ষার সুযোগ না পেয়া কোন কাদাত পরিয়া আসি অন্তরে নেক করিয়া কাম চালেই তারা। কয়দিন নেককরা বামন পেইতাইতা? দিন দিন মানুর সংখ্যা নিয়াম অয়ামাংগা। এগাদে ব্রাহ্মণ কমে থিতারাগা। কিসাদে করলে উভয়পক্ষের চালানির সুবিধা অইবোতা? কলের খেঁতামে চলানির নুয়া পথ অহান ফাংকরলে কিহান কিতা অইবোতা?

মোঃ মুহুর জ্ঞান ধারণা মতে পৌরিহান- বর্তমান শিক্ষিত কোনো কোনো গো চাকুরি না করিয়া ঘরে থাপরতারাগা। ঘরে থাইতারা জ্ঞানী-গুণী, গাউরাপা সৌ উপযুক্ত চেয়া পরগাময়, গাং গাঙেতু ১৫/২০ গো সেবারী হংকরানি বা লেপকরানি। কর্মধারীগই তার কর্মহার অনুযায়ী ৫ গো না ১০ গোরে মাতই। বামন আগই বা দু'গই বান্দারা রাধিয়া দৌর ভোগ-আরতি লইকরিয়া অন্য নিমন্ত্রিত ব্রাহ্মণ, ষাথাইলে ঔ ব্রাহ্মণ অগিরতই রাধিয়া। ব্রাহ্মণ অগির তাউ তঙাল করিয়া অইবাগাতা প্রসাদ খেইকরলা। ব্রাহ্মণকরাত খেইকরিয়া লমইলে, গাংগেতু লেপকরহেঁতা সেবারী যৌ গুক্রুই-ভারা অয়া চন্দন চুয়া পিড়িয়া-খাংচেৎ বাধিয়া পরিবেশনে হমেইলে বরিয়া হুনা ইবো। বামন-পিঁপাতী সুখ-শৃঙ্খল অইবো সাত বুলিয়া নিংকরৌরি। এহান আক্ষুলাগর মতে অনার হান নাগই। হাবিয়েউ আখুক্রুম মত এহান চিন্তা করিয়া চেইবাং। অহান কবানি লাগতই বুলিয়া মাতুরিহান নাগই। সং, জ্ঞানী, গুণী মলে কাতকরৌরিহান। হবা হবানেইর বিচার তানু করতাই।

লেখক : সঙ্গীত প্রসিদ্ধক, ললিতকলা একাডেমী, মাধবপুর।

### নোটিশ বোর্ড

মনোজর সাক্ষাৎকার নিতান্তই গা পিছর সংখ্যাত। এ সংখ্যাত পৌ বপানিয়ে 'এবাকা' 'অপেকা' অতা ছাড়াও আরতাউ পৌ ছাপানি নাইল। আমার পত্রিকার উপদেষ্টামণ্ডলীর সদস্য ডাঃ মণিপুরী গুপ্তর রাজেন্দ্র কুমার সিংহ গারিগো নুয়ায়ানিয়ে পত্রিকার উপদেষ্টামণ্ডলীত সাময়িকভাবে অব্যাহতি নিয়াসেগা। গিরকর গারিগো বলি এক বুলিয়া দৌ নিংকরগাং। গিরকর ফামে উপদেষ্টাগো ইয়া আহিল প্রতাপ চন্দ্র সিংহ। এমতগাত সংখ্যাহান লেহে পত্রিকাহার কোনাগত ছাড়ার পুংলন আগো বরিতই ডাকুলায়। -সম্পাদক

### কৃষ্ণ

তোর লেখালেখি, বাড়াবাড়ি লমিলতা? না আরতাউ আছেগো? লাজভর নেই মূনির জাত এহান। তিযউ ঔ গোআগোর মানুগো। হানতে তোর তাউ লাজ ভর নেই। লাজ ভর নেই অহান মোরাং আর চিঠি নাদিন মাতানির পরেউ আহানর গুঞ্জে আহান চিঠি লেখর মোরে কালি লাগানি চাতা। স্পষ্ট লাগলে মানুগে না নিতাইগা। তি নিবেগা। পেইতেইতাহে রামকল্যাণে গা ভূমি মূনির জাত হিন্দা উঠিছ, ছাং চারিহান নাইসে অহানে। নাইলে চরিততে পবতু জিঙে বাদ।

### হৃষীক

মঠর বাবু আগয় পুরিজেলো আগোরে আশা দিয়া থুয়া এপগা তা আরাক জেলা আগনে সংসার কররে। সৌ পেয়া এবাকা পুরান আগোরে পাছরে সে। বাসিগাওর পেয়া হেইমাকোর বাসিগাওর সমাজসেবারী আগয়ে হিরাহিরি করিয়া আমার বেয়াগ আগোরে সৌ সুমারালে দেশান্তর করলে। হবার সারকতে না পেইবো। ডাঃ মণিপুরী মণিপুরী গুপ্তর বপকরানি বারো ঘরর শিল্পগি মাংকরানিত লেপইবো। অহার প্রতিবাদ করানিয়ে তা জনা সমাজে গিয়া তেখেয়া দিয়া কাংগো। এগারে তোমায় মূনি বাক এতায় আমি নিঙল সৌরে সাংগর তারাতা। পাঙ সমাজ কল্যাণ, যুবকল্যাণ, সমাজ নেতা বুলিয়াতে আতহাই বাগবাড়ীর মিনটি এতু বছর বাপকর ঘরে আহে কুগে লাগয় কিতা ইছেতা আংকরলাতা? আগয় গা লেখিত মিনা দুয়য় থিনা ইয়া থুয়া নিংকরাতারা। মূনি আগয়ে জেলা হাতকো থুখিয়া এগারে কররাইতানাই। জেলাগো জরম দিয়াসে বুলিয়া হীরাহিরি বনরে উজানিয়ে নু-খণ আহান খাওয়াছি মরক বুলিয়া। কতিহান দেখে নুয়ারলাই জেলা চেইবে নাই। হরুমে ঔ জেলায় জরম দিয়াসি, ঔ জেলায় সেককম পিয়া ডাঙর ইসো। জয়সইলান খেলা অহাওর অহাওর ঔ জেলা নাগেইউ পায়ল অহাই। মাতলেতে বেলে বাল থুয়া মাতলেউ তাহে। ব্রহ্মরানী হৌগদে কেতিরা ইলিতা তোমার কাংগে নাই। চন্দ্রসূরী সাক্ষী করিয়া মোরাং ব্যারিহান দিলো আউপাহান হনরাই অহান নারে। সমাজে আরতা এলাদেকুরা, নাচেকুরাউ না নিংকরা। তোমার মূনি সমাজর নেতাসৌ বুলিয়া আমি অতায় হানদে প্রোয়ামে নিঙল প্রোয়াম করানির হনরা করতারা নিঙল সৌ অতারগো। হনরই নুইনেলা ষাংইবো। আউপা কথা নাই। আমারতে সমাজে ভিতরে এতা হাবিয়েল কিম্বাউনান বারো লেখামে মাতলে সমান বিশ্বাসতারাতাহে। এগারে খালখুয়া মাটিয়াউ আউইলেতে বাল।

### ইবোতাহে।

বায়রহানতে বাবা। জ্ঞতহলকাল নেহেং মেডামাত আধিসিল অহাত ডানবিলর লীলাবতী শর্মার নারগোত ফুলদান বরদেহে বুলিয়া বাংলাদেশর মূনিবান্দানে না খুসার। বারো ঔ মূনি বামনে মানু জেলা, চামর জেলা, ইংলে সমাজেতু বাদ নানির সেপ দেখলে আহানতে করিক বুলতারা। অহানুনাই এরে ১৫ দিন নাইসে বিগাওর বাননী আগই বামনর খচাত সেপ দিয়া মানুরাং দাপদিলাতা। মিতে Thank You দিলুগো। জেলা এতাহে ইমারজাত, হবকা, অসহায় পাংকাল নেইতা বুলিরাই বারো এরে পাংকাল নেই এতাহে সেপহান পেইলে দেবাই পাকতা অহানতে হয় সমাজেতু বাদ নাইলে সংসারেতু বাদ অনাত পররা। পাছরে বেলাসু তোর মেডামাতার লেংকা সৌ ডাঙর ডানা আহানতে শিবর অগোনে বিকুলা ইসি। শিবর অগোতে মানু মাংকরানি ছাড়া হবাতে করেরগো নাবে। চিৎখে বজনে খানি চানাইলে কাম করিয়া থিতরাগা বুলিয়া আমার লামই গিরকে মাতলো হায়হান ষাং তি রাউজ দুহান কিয়া দিয়াবেখাও? বারো পূর্ণিমা রাসে মিকুপ আহান উনা অহা মতিসত। মি নুয়ারিম। মোরেউ পায়হাত বরানির হনরা করর অহান হাউপাটারি। কানা নাইবো থুখুসে।



কৃষ্ণা ৭-১১-৯৫

## আমারে খেরানো গুরানি চেইতারা

আধি হরকা (খাই) এতায় যেতা যেতা করে থিতারা গা দেখলে হনলে 'আপ্নানে আপ্নানে গারিগো জিরিং জিরিং কররে। জিরিং জিরিং এহান হাবিরাং নাকররে। কিয়া বুপে, আকতার হপন সমাজরে লুয়া, আরাকতার হপন সংসারের লুয়া। সংসার হপন দেখের অগোরগা সমাজর গারিগোত জি লাগলেউ ফাপরো না বারাব। জারগিলে, ডরপিলে জিরিং না কররে। কতোহান ইল আহি হরকা (খাই) অতায় পত্র, পত্রিকা, ম্যাগাজিনে বাকুরি দিয় লেখতারা। হুদা তান্তি নাবে হেরো অতায়উ লেখতারা। তান্তর নুন খে। তান্তি আমার ইতিহাস খমপরিগা আমার অতীত প্রতিক্রিয়া তান্তরতা বুলিয়া দাবী করতারা। 'শৈলী' ম্যাগাজিনর সংখ্যা অহাত আমার রাঞ্চেপালর ফটোগুলো তান্তরতা ছাপাছিগা।

হায়তায় নাবেতায় লেখিয়া ইতিহাস সংস্কৃতির মাংকরিয়া আমাে খেরানো গুবানি চেইতারা। এবাকা কমপরে খেরানো গুরিসি এহাত খেরা পেইকরিয়া আউপা ইতিহাস নিকালানি একরতই। হায়তায় নাবেতায় লেখিয়া বুলিলেতে অতার হাদিত আউপা অহান নিকালানি হিনুইতই। খেরানো গুরে আনতারা এহাত খেরা তেইকরিক। হারপিক আমােরথে আউপা ইতিহাস। খায়ে কিতা আমিয়ে কিতা। দিতা, না আকতা। কোংতা হায়তা কোংতা নাবেতা। আমারতা হারপানি আহের।

সুজিত কুমার সিংহ ১ম বর্ষ, এম.সি. বিশ্ববিদ্যালয় কলেজ, সিলেট।

আপ্নাদের মনের মত সার্টিং, পেটিং, সাকারী ও স্যুটিং বিক্রি এবং উন্নত সেলাইয়ে আধুনিক ডিজাইনের প্রতিশ্রুতি আমরাই দিয়ে থাকি-

## ডি.পি. টেইলার্স

প্রোঃ- মোঃ নিজাম উদ্দিন

আদমপুর বাজার, কমলগঞ্জ।

দৈনিক বাংলাদেশ বাজার পত্রিকা, খবরের কাগজ, সমাজ দর্পণ ঘরে বহিয়া পাকরিক। যোগাযোগ করিক-

## যক্ষারী পুস্তকালয়

(কসমটিক্স, স্টেশনারী, লাইব্রেরী)

প্রোঃ ধীরেন্দ্র কুমার সিংহ

গোলের হাওর, কমলগঞ্জ।